

陶靖節先生詩

湯文清公事實詳見宋史儒林傳靖節詩注  
四卷惟馬氏通考經籍門著於錄是書乃世  
間所希有宋刻之最精者也流傳日久紙墨  
敝渝偶從友人處得之不勝狂喜手自補綴  
亟命工重加裝釘分為兩冊完好如新余家  
舊藏有東澗選本妙絕古今此更出其上矣  
乾隆辛丑長至後三日內樂村農周春記

卷尾有董宜陽印宜陽字子元自號然岡山樵華亭人上海諸生工詩  
文善書法與何良俊徐獻忠張之象才名相亞有四賢之目松蘿又書

述酒詩爲晉恭帝而作其說略本韓子蒼而羊勝諸  
梁黃山谷二嘗解之非創於東澗也特此注加詳耳零  
陵王以九月初與詩所云秋草雖未黃融風久已分者  
正合靖節時當禪代雖同五世相掃之義但不敢直  
言而借度辭以抒忠憤向非諸公表微闡幽烏能白其  
未白之志哉 朱子謂荆軻一篇平淡中露出豪放本  
相須知其豪放從忠義來與述酒同一心事 陶集  
祭程氏妹文書義熙三年祭從弟敬遠文惟云癸亥  
自祭文惟云丁卯此與宗書本傳之說相合但指所著  
文章而言若詩則不然大約晉時書甲子以庚子至丙  
辰是也入宋不書甲子如九月閑居之類是也自來辨此

者都未明辨 鄭康成誡子益恩書末云勿忽忘不  
識之已焉哉此命子詩末二句所本也陶詩雖平淡而  
無一字無出處以此 陶公晉書宗書南史並有傳  
一人而三史列傳千古止此一人 豈以爵位重耶晉  
書作泉明南史作深明並避唐諱 東坡愛陶詩  
質而倚癯而腴晚年居海外遍和其韻子由為之引  
稱其遂與淵明比也玉謐庵律陶不三觀矣 此本  
大字端楷作歐陽率更體頗便老眼且校讎二鮮形  
天庾鈞之就裝後覆閱數過誠可寶愛 松霽

陶公諱精深高才測之

遠不可湯觀也不事異代

之節與子房五世相韓之

義同既不為祖擊震動之

舉又時無溢祖者可訖以

行其志故每寄情於首陽  
易水之間又以荆軻繼二  
踈三良而後詠所謂撫已  
有深懷取運增慨然讀之  
亦可以深妙其志也已平

生危行孫多至迷酒之作  
始直吐忠憤然猶亂心度  
詞千載之下讀者不省為  
何語是此翁所深致意者  
迄不得自其後世尤可以

使人指其而累歎也余偶  
窺見其然因加箋釋以表  
暴其心事及他篇有可發  
明者亦併著之文字不多  
乃令繕寫換傳与好古通

微之士共商昭焉又按詩  
中多本志少說固窮多夫  
惟思行似寒之書而後能  
存節義之閑而山之所以  
有餓夫也世士貪榮祿事

嘉侈而高談名義自方於  
古之人余未之信也淳祐  
初元九月九日鄱陽湯漢  
敬書

陶靖節先生詩卷第一

停雲一首 并序

停雲思親友也。罇湛新醪，園列初榮，願  
言不從，歎息彌襟。

靄靄停雲，濛濛時雨。八表同昏，平路伊  
阻。靜寄東軒，春醪獨撫。良朋悠邈，搔首  
延佇。停雲靄靄，時雨濛濛。八表同昏，平

陸成江

二句蓋寓賤回霧塞陵遷谷變之意

有酒有酒閑

飲東牕願言懷人舟車靡從東園之樹

枝條載榮競用新好以招余情

謂相招以事新

朝人亦有言日月于征安得促席說彼

平生翩翩飛鳥息我庭柯歛翮閑止好

聲相和豈無他人念子寔多願言不獲

抱恨如何

右四章章八句

時運一首并序

時運游暮春也春服既成景物斯和偶  
景獨遊欣慨交心

邁邁時運穆穆良朝襲我春服薄言東

郊山滌餘靄宇曖微霄

一作餘  
靄微消

有風自

南翼彼新苗洋洋平津

一作澤

乃漱乃濯

邈邈遐景載欣載矚稱心而言人亦易

足揮茲一觴陶然自樂延目中流悠悠

一作悠想

清沂童冠齊業閑詠以歸我愛其

靜

靜之爲言謂其無外慕也亦庶乎知浴沂者之心矣

寤寐交揮

但悵

一作悵恨

殊世邈不可追斯晨斯夕言

息其廬花藥分列林竹翳如清琴橫床

濁酒半壺黃唐莫逮慨獨在余

右四章章句

榮木一首并序

榮木念將老也日月推遷已復有一作九

夏總一作懸角間道白首無成

采采榮木結根于茲晨耀其華夕已喪

之人生若寄顛顚有時靜言孔念中心

悵而采采榮木于茲託根繁華朝起慨

暮不存貞脆由人禍福無門匪道曷依

匪善奚敦屈子之九章曰善不由外來

芳名不可以虛作孰無施而

有報兮孰不實而有獲與此  
四語皆文辭中之格言也

嗟余

一作子

小子稟茲固陋徂年既流業不增舊志

彼不舍安此日富

或曰志當作忘荀子功在不舍詩一醉日

富蓋自咎其廢學而樂飲爾

我之懷矣怛焉內疚先

師遺訓余豈云墜四十無聞斯不足畏

脂我名車策我名驥千里雖遙孰敢不

至

老而好學詞氣壯烈

右四章章句

贈長沙公族祖一首并序

長沙公於余爲族

一作余於長沙公爲族一無公字

祖

同出大司馬昭穆旣遠以

一作已

爲路人

經過潯陽臨別贈此

同源分流人易世踈慨然

一作矣

寤歎念

茲厥初禮服遂悠歲月眇祖

一作往月祖

感

彼行路眷然躊躇於穆令族允構斯堂

諧氣冬輝映懷圭璋爰采春花

一作華

一作載

警秋霜我曰欽哉寔宗之光伊余云邁

在長忘同

忘一作志

笑言未久逝焉西東遙

想湘渚

一作遙三湘

滔滔九江山川阻遠行

李時通何以寫心貽茲話言進簣雖微

終在

一作焉

爲山敬哉離人臨路悽然歎

襟或遼音問其先

酬丁柴桑一首

有客有客爰來爰

官一作

止秉直司聰于

惠百里飡勝如歸矜

一作

善若始匪惟

諧也屢有良由

一作

載言載眺以寫我

憂放歡一遇既醉還休寔欣心期方從

我游

荅龐參軍一首

并序

龐爲衛軍參軍從江陵使上都過潯陽  
見贈

衡門之下有琴有書載彈載詠爰得我  
娛豈無他好樂是幽居朝爲灌園夕偃  
蓬廬人之所寶尚或未

一作非

珍不有同

愛

一作好

云胡以親我求良友寔覩懷人

歡心孔洽棟宇惟隣伊予懷人欣德孜

致我有旨酒與汝樂之乃陳好言乃著  
新詩一日不見如何不一作思嘉游未

歟誓將離分送爾于路街觴無欣依依

舊楚藐藐

一作逸

西雲之子之遠良話曷

聞昔我云別倉庚載鳴今也遇之霰雪

飄零大藩有命作使上京豈忘宴安王

事蘇亭慘慘寒日肅肅其風翻彼方舟

容裔江中勗哉征人在始思終敬茲良  
辰以保爾躬

勸農一首

悠悠上古厥初生民傲然自足抱朴含

真智巧既

未一作

萌資待靡因誰其贍之

實賴哲人哲人伊何時惟后稷贍之伊  
何實曰播植舜既躬耕禹亦稼穡遠若

周典八政始食熙熙令德猗猗原陸卉  
木繁榮和風清穆紛紛士女趨時競逐  
桑婦宵興農夫野宿氣節易過和澤難  
久冀缺携儷沮溺結耦相彼賢達猶勤  
壟畝矧伊衆庶曳裾拱手民生在勤勤  
則不匱宴安自逸歲暮奚冀儋石不

一作

弗儲飢寒交至顧余

爾一作

儔列能不懷

耳

愧孔耽道德樊須是鄙董樂琴書田園  
一作井弗履若能超然投迹高軌敢不斂  
衽敬贊德美

命子一首

悠悠我祖爰自陶唐邈爲虞賓世歷一作

歷世重光御龍勤夏承常翼商穆穆司徒

厥族以昌

春秋傳分康叔以殷民七族陶氏施氏云云陶叔授民命

以康誥杜注陶叔司徒紛紛一作戰國漢漢衰周

鳳隱于林幽人在丘逸虬遶雲奔鯨駭

流天集有漢眷予愍侯陶舍於赫愍侯運

當攀龍撫劍風邁顯茲武功書一作誓

河山啓土開封豐豐丞相陶青允迪前蹤

渾渾長源鬱鬱洪柯羣川載導衆條共

羅時有語默運因隆窳一作森在我中晉

業融長沙栢栢長沙伊勲伊德天子疇

我專征南國功遂辭歸臨寵不忒孰謂

斯心而近可得

言長沙公心期之高遠也

肅美我祖

慎終如始直方二

一作三

臺惠和千里於

穆

一作皇

仁考淡焉虛止寄迹風雲冥

一作

冥茲愠喜嗟余寡陋瞻望弗及顧慙華

鬢負影隻立三千之罪無復其急我誠

念哉呱聞爾泣卜云嘉日占亦良時名

汝曰儼字汝求思溫恭朝夕念茲在茲

尚想孔伋庶其企而

孔伋因求思而言  
常玄成詩誰謂華

高企其齊而誰謂  
德難厲其庶而

厲夜生子遽而求火

凡百有心奚特于

一作於

我既見其生實

欲其可人亦有言斯情無假日居月諸

漸免于孩福不虛至禍亦易來夙興夜

寐願爾斯才爾之不才亦已焉哉

歸鳥一首

翼翼歸鳥晨去于林遠之八表近態雲

岑和風弗洽翻翻求心

託言歸而求志  
下文豈思天路

意顧儔相鳴景庇清陰翼翼歸鳥載翔  
載飛雖不懷游見林情依遇雲頡頏相  
鳴而歸遐路誠悠性愛無遺翼翼歸鳥

馴一作相林徘徊豈思天路欣反一作及舊

棲雖無昔侶衆聲每諧日夕氣清悠然

其懷翼翼歸鳥戢羽寒一作寒條游不曠

林宿則一作不森標晨風清興好音時交

矰繳奚功一作施卷已一作已安勞一作暮逍遙

右四章章八句

陶靖節先生詩卷第一

陶靖節先生詩卷第二

形影神并序

貴賤賢愚莫不營營以潛生斯世惑焉  
故極陳形影之苦言神辨自然以釋之  
好事君子共取其心焉

形贈影一首

天地長不沒山川無改時草木得常理

霜露榮

一作憔悴

悴之謂人最靈智獨復不

如茲適見在世中  
奄去靡歸期奚覺無  
一人親識豈相思  
但餘平生物舉目情  
悽泐我無騰化術  
必爾不復疑願君取  
吾言得酒莫苟辭

影荅形一首

存生不可言  
衛生每苦拙  
誠願游崑華

邈然茲道絕與子相遇來未嘗異悲悅

態蔭

一作陰

若暫乖止日終不別此同既

難常黯爾俱時滅身沒名亦盡念之五  
情熱立善有遺愛胡可不自竭酒云能  
消憂方此詎不劣

### 神釋一首

大鈞無私力萬理

一作物

自森著人爲三

才中豈不以我故與君雖異物生而相

依附結託善惡

一作既喜

同安得不相語

一作

與三皇大聖人今復在何處彭祖壽

一作

愛永年欲留不得住老少同一死賢愚

無復數日醉或能忘將非促齡具立善

常所欣誰當為汝譽

日醉釋前篇立善釋後篇也

甚

念傷吾生正宜委運去縱浪大化中不

喜亦不懼應盡便須盡無復獨多慮

九日閑居一首 并序

余閑居愛重九之名秋菊盈園而持醪

靡由

一作時  
醪靡至

空服九華寄懷於言

世短意忼多

班幽通賦道  
悠長而世短

斯人樂久生

日月依辰至舉俗愛其名露淒暄風息  
氣散天象明往鷺無遺影來鴈有餘聲

酒能祛百慮菊爲制頽齡如何蓬廬士

空視時運傾

空視時運傾亦指易代之事

塵爵恥虛

壘寒華徒自榮歛襟獨閑謠緬焉起深

情棲遲固多娛淹留豈無成

淹留無成騷人語也

今反之謂不得於彼則得於此矣後棲遲詎而拙亦同

### 歸園田居六首

少無適俗韻性本愛丘山誤落塵網中

一去三十年羈鳥戀舊林池魚思故淵

開荒南野際守拙歸園田方宅十餘畝

草屋

一作舍

八九間榆柳蔭後園

一作簷

枇

李羅堂前曖曖遠人村依依墟里煙狗

吠深巷中鷄鳴桑樹巔戶庭無塵雜虛

室有餘閑久在樊籠裏復得返自然

野外罕人事窮巷寡輪鞅白日掩荆扉

虛室絕塵想時復墟曲中披草共來往  
相見無雜言但道桑麻長桑麻日已長  
我土日已廣常恐霜霰至零落同草莽

種豆南山下草盛豆苗稀晨興

一作理  
侵晨

荒穢帶

一作戴

月荷鋤歸道狹草木長夕

露沾我衣衣沾不足惜但使願無違

東坡

云以夕露沾衣之故  
而違其所願者多矣

久去山澤游浪莽林野娛試携子姪輩  
披榛步荒墟徘徊丘壠間依依昔人居  
井竈有遺處桑竹殘朽株借問採薪者  
此人皆焉如薪者向我言死沒無復餘  
一卅異朝市此語真不虛人生似幻化  
終當歸空無

悵恨獨策還崎嶇歷榛曲山澗清且淺

遇以濯吾足  
漉我新熟酒  
隻鷄招近局  
日入室中闇  
荆薪代明燭  
歡來苦夕短  
已復至天旭

游斜川一首

并序

辛丑

一作酉

正月五日天氣澄和

一作穆

風

物閑美與二三隣  
曲同遊斜川臨長流

望曾

一作層

城魴鯉躍鱗於將夕  
水鷗

乘和以翻飛彼南阜者名實舊矣不復  
乃爲嗟歎若夫曾城傍無依接獨秀中

阜遙想靈山有愛嘉名

天問崑崙縣圖其宛安在增城

九重其高幾里淮南子崑崙中有增城九重注云中有五城十二樓故云靈山

嘉名也欣對不足率爾亡本賦詩悲日月

之遂往悼吾年之不留各疏年紀鄉里

以記其時日

開歲修五日

十一作

吾生行歸休念之動

中懷及辰爲茲游氣和天惟澄班坐依

遠流弱湍馳文魴開谷矯鳴鷗迫澤散

游目緬然睇曾丘雖微九重秀

九重注見上

顧瞻無匹儔提壺接賓侶引滿更獻酬

未知從今去當復如此不中觴縱遙情

忘彼千載憂且極今朝樂明日非所求

示周掾祖謝一首

一作示周續之祖企謝景

夷三郎時三人  
比講禮校書

負疴頽簷下終日無一欣藥石有時閑  
念我意中人相去不尋常道路邈何因

周生述孔業祖謝響然臻

薦襴表羣士響臻

道

喪向千載今朝復斯聞馬隊非講肆校  
書亦已勤老夫有所愛思與爾爲鄰願

言誨諸子從我潁水濱

乞食一首

飢來驅我去

一作出

不知竟何之行行至

斯里叩門拙言辭主人諧余意遺贈豈

虛來談諧

一作語

終日夕觴至輒傾杯情

欣新知勸

一作歡

言詠

一作興言

遂賦詩感子

漂母惠愧我非韓才銜戢知何謝冥報

以相貽

諸人共游周家墓栢下一首

今日天氣佳清吹與鳴彈感彼栢下人  
安得不爲歡清歌散新聲綠酒開芳顏  
未知明日事余襟良已殫

怨詩楚調示龐主簿鄧治中一

首

天道幽且遠鬼神茫昧然結髮念善事

僂俛六九

五一作五十年

弱冠逢世阻始室喪

其偏炎火屢焚如螟蟻愁中田風雨縱

橫至收歛不盈廬夏日長抱飢寒夜無

被眠造夕思鷄鳴及晨願鳥遷在已何

怨天離憂悽目前吁嗟身後名於我若

浮煙慷慨獨悲歌鍾期信爲賢

荅龐參軍一首并序

三復來貺欲罷不能自爾鄰曲冬春再

交欸然良對忽成舊游俗諺一作談云數

面成親舊

或無舊字其字一本有

情過此者乎

人事好乖便當語離楊公一作翁所歎豈

惟常悲吾抱疾多年不復爲一作屬文本

既不豐復老病繼之輒依周孔一作禮往

復之義且爲別後相思之資

相知何必舊

一作早

傾蓋定前言有客賞

我趣每每顧林園談諧無俗調所說聖

人篇或有數斗

一作期

酒閑飲自歡然我

實幽居士無復東西緣物新人唯舊弱

毫多所宣情通萬里外形跡滯江山君

其愛體素

曹子建詩王其愛玉體

來會在何年

五月旦作和戴主簿一首

虛舟縱逸棹回復遂無窮發歲始

一作若

俛仰星紀奄將中南窻罕悴物北林榮

且豐神淵寫時雨晨色奏景風旣來孰

不去人理固有終居常待其盡曲肱豈

傷冲遷化或夷險肆志無穴隆卽事如

以一作已高何必升華嵩

連雨獨飲一首

一作連雨  
人絕獨飲

運生會歸盡終古謂之然世間有松喬  
於今定何聞故老贈余酒乃言飲得仙  
試酌百情遠重觴忽忘天天豈去此哉  
任真無所先雲鶴有奇翼八表須臾還  
自我抱茲獨僂俛四十年形骸久已化  
心在復何言

移居二首

昔欲居南村非爲卜其宅聞多素心人  
樂與數晨夕懷此頗有年今日從茲役  
弊廬何必廣取足蔽牀席鄰曲時時來  
抗言談在昔竒文共欣賞竒文見王褒傳疑義  
相與析

春秋多佳日登高賦新詩過門更相呼

有酒斟酌之農務各自歸閑暇輒相思  
相思則披衣言笑無厭時此理將不勝  
無爲忽去茲言此樂不可勝無爲舍而去之也韓子亦云樂之終  
身不厭何衣食當須紀一作幾力耕不吾  
欺

和劉柴桑一首

山澤久見招胡事乃躊躇直爲親舊故

未忍言索居良辰入竒懷挈杖還西廬  
荒塗無歸人時時見廢墟茅茨已就治  
新疇復應畬谷風轉淒薄春醪解飢飭  
弱女雖非男慰情良勝無栖栖卅中事  
歲月共相踈耕織稱其用過此奚所須  
去去百年外身名同翳如

酬劉柴桑一首

窮居寡人用時忘四運周櫪庭多落葉  
慨然知已秋新葵鬱北墉嘉穠養南疇  
今我不爲樂知有來歲不命室携童弱  
良日登遠游

和郭主簿二首

藹藹堂前林中夏貯清陰凱風因時來  
回飈開我襟息交游閑業卧起弄書琴

蘇武傳  
起撫持

目

園蔬有餘滋舊穀猶儲今營

已良有極過足非所歛春林作美酒酒

熟吾自斟弱子戲我側學語未成音此

事真復樂聊用忘華簪遙遙望白雲懷

古一何深

和澤周三春華華涼秋節露凝無將氛

天高風景澈陵岑聳逸峯遙瞻皆奇絕

芳菊開林耀青松冠巖列懷此貞秀姿  
卓爲霜下傑銜觴念幽人千載撫爾訣  
檢素不獲展厭厭竟良月

於王撫軍座送客

冬日淒且厲百卉已腓爰以履霜節  
登高饒將歸寒氣肅山澤將雲條無依  
洲渚思綿一作緬邀風水牙乖違瞻夕欲

欣一作

良讌離言聿云悲晨鳥暮來還懸

車歛餘暉

淮南子日至悲泉是謂懸車

遊

一作逝

止判

殊路旋駕悵遲遲目送回舟遠

一作往情

隨萬化遺

與殷晉安別一首

并序

殷先作晉安南府長史掾因居潯陽後

作太尉參軍

太尉劉裕

移家東下作此以贈

游好非久長一遇盡殷勤信宿誚清話  
益復知爲親去歲家南里薄作少時隣  
負杖肆游從淹留忘宵晨語默自殊勢  
亦知當乖分未謂事已及興言在茲春  
飄飄西來風悠悠東去雲山川千里外  
言笑難爲因良才一作才華不隱世江湖多  
賤貧脫有經過便念來存故人

贈羊長史一首

并序

左軍羊長史銜使秦川作此與之

羊名松齡

愚生三季後慨然念黃虞得知千載外

一作上

一作政

賴古人書賢聖留餘跡事

事在中都豈忘游心目關河不可踰九

域甫已一逝將理舟輿聞君當先邁負

病不獲俱路若經商山爲我少躊躇多

謝綺與角精爽今何如天下分裂而中  
可得而見今九土既一則五帝之所連  
三王之所爭宜當首訪而獨多謝於商  
山之人何哉蓋南北雖合而世代  
將易但當與綺角遊耳遠矣深哉  
紫芝  
誰復採深谷久應蕪駟馬無貫患貧賤  
有交娛清謠結心曲人乘運見踈擁懷  
累代下言盡意不舒

歲暮和張常侍一首

市朝懷舊人驟驥感悲泉

悲泉見前驟驥言白駒之

過隙也

明旦非今日歲暮余何言素顏歛

光潤白髮一已繁濶哉秦穆談旅力豈

未愆向夕長風起寒雲沒西山厲厲氣

遂嚴紛紛飛鳥還民生鮮常在矧伊愁

苦纏屢闕清酤至無以樂當年窮通靡

攸

一作欣

慮顛顛由化遷撫已有深懷履

運增慨然

和胡西曹示顧賊曹一首

蕤賓五月中清朝起南颶不駛亦不遲  
飄飄吹我衣重雲蔽白日閑雨紛微微  
流目視西園曄曄榮紫葵於今其可愛  
奈何當復衰一作當奈行復衰感物願及時每  
恨靡所揮悠悠待秋稼寥落將餘遲逸

想不可淹猖狂獨長悲

悲從弟仲德一首

街哀過舊宅悲淚應心零借問爲誰悲  
懷人在九冥禮服名羣從恩愛若同生

門前執手時何意爾先傾在毀一作竟

不一作未免爲山不及成慈母沉哀疚二

龍纔數齡雙泣一作位委空館朝夕無哭

聲流塵集空坐宿草旅

一作依

前庭階除

曠游迹園林獨餘情翳然乘化去終天  
不復形遲遲將回步惻惻悲襟盈

陶靖節先生詩卷第二